

**ԶԱՎԱԽՔԻ ՀԱՅ ԲՆԱԿՉՈՒԹՅԱՆ ԹՎԱՔԱՆԱԿԻ
ՓՈՓՈԽՈՒԹՅՈՒՆՆԵՐԸ 1959–2014 ԹԹ.
(Ըստ պաշտոնական մարդահամարների տվյալների)***

ՎԱՀԵ ՍԱՐԳՍՅԱՆ

Բանալի բառեր՝ Վրաստան, Զավախք, վրացիներ, հայեր, ազգաբնակչություն, ազգային կազմ, մարդահամար, պաշտոնական տվյալներ, դինամիկա:

Ն ա խ ա բ ա ն

Վրաստանում ապրող հայերի շուրջ կեսից ավելին ապրում է Զավախքում (ներկայիս վարչաբաժանմամբ՝ Սամցխե–Ջավախքի նահանգ և Քվեմո Քարթլի նահանգի Ծալկայի շրջան): Երկրորդ աշխարհամարտից հետո խորհրդային Վրաստանում տեղի ունեցած վարչատարածքային վերաբաժանումները, պատերազմի ընթացքում և հետագայում տեղի ունեցած ժողովրդագրական մեծ ու փոքր տեղաշարժերը լրջագույն ազդեցություն ունեցան նաև Վրացական ԽՍՀ–ի հարավային հոծ հայաբնակ շրջանների թե՛ վարչական բաժանումների, թե՛ ժողովրդագրական պատկերի վրա: Նշված հատվածներից զանգվածորեն տեղափոխված մուսուլման տարրին (թուրք–մեսխեթցիներ) փոխարինելու եկավ վրացականը (քարթվելական), տեղի ունեցան նաև վարչական վերաբաժանումներ: Հատուկ քաղաքականություն արդյունքում 1950–1980-ական թվականներին Զավախքի շրջաններում հայ բնակչությունը չի ավելացել և, ընդհակառակը, ինչ–որ տեղ նվազել է, իսկ վրացիների թիվը՝ կտրուկ ավելացել: Հետխորհրդային տարիներին ևս ջավախահայությունն ապրում է «ժողովրդագրական ճմեռ», և հայության թվաքանակն ունի նվազման միտումներ:

Վարչական վերաբաժանումները և ժողովրդագրական տեղաշարժերը Վրացական ԽՍՀ–ի հարավային հոծ հայաբնակ շրջաններում (1950–1960-ական թվականներ)

Հետպատերազմյան շրջանում 1950–1960-ական թվականներին, Զավախքում տեղի ունեցան վարչատարածքային վերաբաժանումներ և ժողովրդագրական նոր տեղաշարժեր: ԽՍՀՄ բարձրագույն դեկավարության հրամանով՝ Սամցխե–Ջավախքի (Ախալցխայի ու Ախալքալաքի նախկին գավառներ) հա-

* Ներկայացվել է 25. VIII. 2023 թ., գրախոսվել է 08. IX. 2023 թ., ընդունվել է տպագրության 22. III. 2024 թ.:

¹ Տե՛ս Государственный Комитет Обороны, Постановление гоко № 6279, от 31 июля 1944 г. Москва, Кремль (Сов. секретно), Турки – месхетинцы: Интеграция. Репатриация. Эмиграция. СПб., 2007, 439–441.

րավային և կենտրոնական շրջաններում ապրող մեծ թվով թուրք-մեսխեթցիների 1944 թ. նոյեմբերի 18–19-ն ընկած ժամանակահատվածում, իսկ նույն թվականի նոյեմբերի 25–26-ն Աջարիայում բնակվող թուրքերի, քրդերի և համաձայնության վերաբնակեցրին Ուզբեկական, Ղազախական և Կիրգիզական ԽՍՀ-ներում, ընդհանուր թվով 92,3 հազար մարդ։ Նրանց գյուղերի կեսից ավելին ամառացան, իսկ մյուս մասը՝ չուրջ 60 տասնյակի հասնող բնակավայրեր, բնակեցվեցին Իմերեթից և այլ վայրերից տեղափոխված վրացիներով։ Վերաբնակեցման հետևանքով Ախալցխայի և Ախալքալաքի գավառների միջև 1961 թ. ձևավորվեց ևս մեկ, հիմնականում վրացաբնակ Ասպինձայի (Ասպինջակ) շրջանը²։

1961 թ. վրացական ԽՍՀ-ում տեղի ունեցավ շրջանների խոշորացում, որի հետևանքով Ախալցխայի, Ասպինձայի, Ախալքալաքի և Բոգղանովկայի շրջանները միացվեցին՝ Ախալցխա կենտրոնով։ Հարևան Ծալկայի շրջանը մտցվեց Թեթրիժարոյի շրջանի մեջ։ Խոշորացումների հետևանքով լուծարվեցին մի շարք դեկավար հիմնարկներ (կուլշրջկոմ, շրջգործկոմ, կոմերիտշրջկոմ և այլն), փակվեցին նախկին շրջանային թերթեր։ Այդ կապակցությամբ Զավախքում ծայր առան դժգոհություններ, հեռագրեր հղվեցին խորհրդային բարձրագույն իշխանություններին։ Այս նոր իրավիճակը, սակայն, ունեցավ կարճատև կյանք. իրեն չարդարացրած տեղական ինքնակառավարման ոլորտի այս նորամուծությունը վերացվեց, և 1965 թ. հունվարից խոշորացված շրջանները կրկին վերաբաժանվեցին։

Ժողովրդագրական պատկերը Զավախքում ըստ 1959, 1970, 1979 և 1989 թթ. պաշտոնական մարդահամարների տվյալների

Հետպատերազմյան շրջանում Զավախքի տարբեր շրջաններում ևս ժողովրդագրական պատկերը փոփոխվել է ոչ հօգուտ հայերի։ Դա պարզորոշ երևում է ստորև բերվող աղյուսակների տվյալներից։

Աղյուսակ 1

Զավախքի բնակչության թվաքանակը և ազգային կազմը
1959 թ. դրությամբ³

Շրջանը	Հայեր	Վրացիներ	Ռուսներ	Այլազգիներ	Ընդամենը
Ադիգեն	1.627 (8,4 %)	16.187 (83,31 %)	1.271 (6,54 %)	344 (1.77 %)	19.429 100 %

² Զավախքի 1945–1991 թթ. պատմության և ժողովրդագրական պատկերի մասին տե՛ս Ս ա Ր Գ Ս Յ ա ն. 2016, 299–312։

³ Samtskhe–Javakheti: Realities and Perspectives. UNDP: 2004, 59.

Ախալցխա	25.753 (52,2 %)	18.878 (38,29%)	3.684 (7,47 %)	984 (2,00 %)	49.299 100 %
Ասպինձա	2.068 (18,4 %)	9.081 (80,81 %)	60 (0,53 %)	28 (0,25 %)	11.237 100 %
Ախալ- քալաք	57.209 (91,0 %)	3.566 (5,68 %)	1.647 (2,62 %)	413 (0,66 %)	62.835 100 %
Բողղանով- կա (Նինոծ- մինդա)	27.090 (85,0 %)	50 (0,16 %)	4.616 (14,49 %)	96 (0,30 %)	31.852 100 %
Ծալկա ⁴	13.360 (29,30 %)	1.415 (3,10 %)	260 (0,57 %)	Հոռաներ՝ 27.300 (59,87 %), այլազգիներ՝ 3.265 (7,16 %)	45.600 100 %
Ընդամենը	127.107 (57,71 %)	49.177 (22,33 %)	11.538 (5,24 %)	32.430 (14,72%)	220.252 100 %

Աղյուսակ 2

*Ջավախքի բնակչության թվաքանակը և ազգային կազմը
1970 թ. դրությամբ⁵*

Շրջանը	Հայեր	Վրացիներ	Այլազգիներ	Ընդամենը
Ադիգեն	1.466 (7,23 %)	17.582 (86,73 %)	ռուսներ՝ 676 (3,33 %), այլազգիներ՝ 548 (2,70 %)	20.272 (100 %)
Ախալցխա	25.497 (49,12 %)	21.436 (41,30 %)	ռուսներ՝ 2.849 (5,49 %), այլազգիներ՝ 2.125 (4,09 %)	51.907 (100 %)
Ասպինձա	2.421 (19,38 %)	9.929 (79,47 %)	ռուսներ՝ 95 (0,76 %), այլազգիներ՝ 49 (0,39 %)	12.494 (100 %)
Ախալքա- լաք	63.954 (91,37 %)	3.926 (5,61 %)	ռուսներ՝ 1.297 (1,85 %), այլազգիներ՝ 815 (1,16 %)	69.992 (100 %)
Բողղանով- կա (Նինոծ- մինդա)	32.399 (86,94 %)	321 (0,86 %)	ռուսներ՝ 4.344 (11,66 %), այլազգիներ՝ 203 (0,54 %)	37.267 (100 %)

⁴ Ա Վ Ե տ յ ա ն. 2011, 50:

⁵ Samtskle-Javakheti: Realities and Perspectives. UNDP: 2004, 59.

Ծալկա ⁶	14.569 (28,36 %)	1.625 (3,16 %)	ռուսներ՝ 260 (0,51 %), հույներ՝ 31.811 (61,93 %), այլազգիներ՝ 3.100 (6,0 %)	51.365 (100 %)
Ընդամենը	140.306 (58,57 %)	54.819 (22,88 %)	44.432 (18,55 %)	239.557 (100 %)

Աղյուսակ 3

Ջավախքի բնակչության թվաքանակը և ազգային կազմը 1979 թ. դրությամբ⁷

Շրջանը	Հայեր	Վրա- ցիներ	Այլազ- գիներ	Ընդա- մենը
Ադիգեն	1263 (6,32 %)	18.007 (90,15 %)	ռուսներ՝ 424 (2.12 %), այլազգիներ՝ 281 (1.41 %)	19.975 (100 %)
Ախալցխա	24.035 (47,74 %)	21.702 (43.10 %)	ռուսներ՝ 2.910 (5.78 %), հրեաներ և այլազգիներ 1.703 (3.38 %)	50.350 (100 %)
Ասպինձա	2.654 (21,38 %)	9.651 (77,76 %)	ռուսներ՝ 56 (0.45 %), այլազգիներ՝ 50 (0.40 %)	12.411 (100 %)
Ախալքալաք	63.692 (91,70 %)	3.067 (4,42 %)	ռուսներ՝ 1788 (2.57 %), այլազգիներ՝ 908 (1.31 %)	69.455 (100 %)
Բոգղանովկա (Նինոծմինդա)	32.231 (87,99 %)	370 (1,01 %)	ռուսներ՝ 3.330 (9,09 %), այլազգիներ՝ 701 (1,91 %)	36.632 (100 %)
Ծալկա ⁸	13.996 (28,39 %)	1.710 (3,47 %)	հույներ՝ 30.811 (62,50 %), այլազգիներ՝ 2.783 (5,65 %)	49.300 (100 %)
Ընդամենը	137.871 (57,90 %)	54.507 (22,89 %)	45.745 (19,21 %)	238.123 (100 %)

⁶ Ա Վ Ե տ յ ա ն. 2011, 50:

⁷ Samtskle–Javakheti: Realities and Perspectives. UNDP: 2004, 59; Հմմտ.

Դ ա Վ Թ յ ա ն. 1997, 26, 53, 60, 68, 85:

⁸ Ա Վ Ե տ յ ա ն. 2011, 50:

Աղյուսակ 4

*Ջավախքի բնակչության թվաքանակը և ազգային կազմը
1989 թ. դրությամբ⁹*

Շրջանը	Հայեր	Վրացիներ	Այլազգիներ	Ընդամենը
Ադիգեն	1.237 (5,81 %)	19.491 (91,58 %)	ռուսներ՝ 294 (1,38 %), այլազգիներ՝ 260 (1.2 %)	21.282 (100 %)
Ախալցխա	23.469 (42,81 %)	25.648 (46,78 %)	ռուսներ՝ 3.426 (6,2 %), այլազգիներ՝ 2.279 (4.16 %)	54.822 (100 %)
Ասպինձա	2.565 (18,68 %)	10.753 (78,31 %)	ռուսներ՝ 45 (0,33 %), այլազգիներ՝ 369 (2.69%)	13.732 (100 %)
Ախալքալաք	63.092 (91,29 %)	3.005 (4,35 %)	ռուսներ՝ 1.737 (2,51 %), այլազգիներ՝ 1274 (1.84 %)	69.108 (100 %)
Բողղանովկա (Նինոծմիդա)	33.964 (89,63 %)	454 (1,20 %)	ռուսներ՝ 3.161 (8,34 %), այլազգիներ՝ 316 (0.83 %)	37.895 (100 %)
Ծալկա ¹⁰	12.671 (28,51 %)	1.613 (3,63 %)	հուլներ՝ 27.127 (61,04 %), ադրբեջանցիներ՝ 2.281 (5,13 %), այլք՝ 746 (1,68 %)	44.438 (100 %)
Ընդամենը	136.998 (56,78 %)	60.964 (25,27 %)	43.315 (17,95 %)	241.277 (100 %)

Այսպիսով, եթե 1959 թ. Ախալցխայի շրջանն ուներ 25.753 (52,24 %) հայ և 18.878 (38,29 %) վրացի բնակիչ, ապա նույն շրջանը 1970 թ. ունեցել է 25.497 (49,1 %) հայ ու 21.436 (41,3 %) վրացի բնակիչ, իսկ ահա 1989 թ. շրջանն ուներ 23.469 (42,81 %) հայ և 25.648 (46,78 %) վրացի բնակիչ: Նույն օրինակը կարելի է բերել նաև Ադիգենի շրջանի պարագայում. եթե 1959 թ. շրջանն ուներ 1.627 (8,37 %) հայ և 16.187 (83,31 %) վրացի բնակիչ, ապա 1979 թ. շրջանն ուներ 1263 (6,3 %) հայ և 18.007 (90,1 %) վրացի բնակիչ, իսկ 1989 թ. ընդամենը 1.237 (5,81 %) հայ և 19.491 (91,58 %) վրացի

⁹ Samtskle–Javakheti: Realities and Perspectives. UNDP: 2004, 59.

¹⁰ Ա Վ Ե Մ Ե Ն. 2011, 50:

բնակիչ: Ախալցխայի շրջանում նույնպես վերոնշյալ թվականներին (1959–1989 թթ.) հայերի թիվը նվազել է 2.284-ով, իսկ վրացիներինը՝ աճել 6.770-ով: Ասպինձայի շրջանում գրանցվել էր վրացիների թվի աճ 1.672-ով, իսկ հայերինը՝ 497-ով: Գերազանցապես հայերով բնակեցված Ախալքալաքի և Բոգդանովկայի շրջաններում բնակչության թիվը 1989 թ. հասավ միայն 1917 թ. մակարդակին՝ չուրջ 100 հազար մարդու¹¹: 1959–1989 թթ. ընթացքում, ընդհանուր առմամբ, նվազել է նաև Ծաղկայի շրջանի հայության թվաքանակը և, եթե այն 1959 թ. կազմել է 13.360 մարդ, աճի միտումներ դրսևորել 1970, 1979 թթ. և, համապատասխանաբար, կազմել 14.569 (28,4 %), 13.996 (28,4 %), ապա 1989 թ. թիվը նվազել է՝ հասնելով 12.671-ի (28,51 %):

Նախկին Ախալցխայի և մասամբ Ախալքալաքի գավառների հենքի վրա համապատասխանաբար ձևավորված Աղիգենի¹² ու Ասպինձայի վարչական շրջանները, որտեղից 1944 թ. արտաքսվել էին թուրք-մեխլեթցիները, 1950–1960-ական թվականներին բնակեցվեցին հիմնականում վրացիներով (իմերեթցիներ, աջարներ և այլք):

Հայաբնակ Ջավախքի և Հայաստանի Հանրապետության միջև արգելապատնեշը խորացնելու նպատակով 1989 թ. Բոգդանովկայի¹³ շրջանում փորձ կատարվեց ստեղծել մի քանի սփանաբնակ գյուղեր: Բացի դրանից՝ ուռու ղուխորների լքած Սպասովկա գյուղում Վրաստանի իշխանությունները վերաբնակեցրին տարերային աղետներից պարբերաբար տուժող աջարների¹⁴: Վերջիններիս համար հատուկ ծրագրով մեծ քանակի առանձնատներ կառուցվեցին նաև Ախալքալաքի շրջանի Կոթելիա, Հոկամ, Գոգաչեն, Չունչխա և այլ գյուղերում: Ջավախքում խորհրդային 70 տարիների ընթացքում այս ծավալների շինարարությունը դեռ չէր իրականացվել: Այդուհանդերձ, բնակլիմայական խիստ պայմաններին չզիմանալով՝ Ախալքալաքի շրջանում մնացին քիչ թվով աջարներ¹⁵: Աջարներով և սփաններով վերաբնակեցումը հաջողությամբ պսակվեց հարևան Ծաղկայի շրջանում¹⁶: Վերաբնակվողները տեղավորվեցին Հունաստան գաղթած հույների շենքերում:

¹¹ Մ ե լ ք ո ն յ ա ն . 2003, 230:

¹² Աղիգենը շրջանի կարգավիճակ է ստացել և Ախալցխայի գավառից առանձնացել է 1930 թ.: Աղիգեն ու Ասպինձա գյուղերն ավանի կարգավիճակ են ստացել 1961 թ.:

¹³ Բոգդանովկա գյուղը հիմնադրվել է 1841 թ. Տավրիայի նահանգից արտաքսված աղանդավորների՝ դուխոբորների կողմից: Գյուղը բուռն զարգացում է ապրել այն բանից հետո, երբ 1930 թ. հունվարին դարձել է վարչատերիտորիալ նոր միավորման՝ Բոգդանովկայի շրջանի կենտրոնը: 1961 թ. այն վերածվել է ավանի, 1982 թ.՝ քաղաքի (տե՛ս Բոգդանովկայի շրջան: Տեղեկագիրք. 1992, 10):

¹⁴ Н о в и к о в а . 2002, 237.

¹⁵ Օրինակ՝ աջարները քիչ թե շատ հաստատվեցին Սպասովկա, Գորելովկա, Բալանթա, Հոկամ, Չունչխա և այլ գյուղերում:

¹⁶ Ծաղկան 1930 թ. ստացել է շրջանի, իսկ 1957 թ.՝ քաղաքատիպ ավանի կարգավիճակ: 1936 թ. Ծաղկայի շրջկենտրոնը Գունիա–Կալայից տեղափոխվել է Բարմաքսի գյուղը, որը և վերանվանվել է Ծաղկա:

Բնակչության դինամիկան Զավախքում հետխորհրդային շրջանում

Աղյուսակ 5

Զավախք երկրամասի հայ և վրացի բնակչության թվաքանակը և ազգային կազմի տոկոսային հարաբերակցությունը 1997 թ. դրությամբ¹⁷

Շրջան	Հայեր	Վրացիներ	Ընդամենը
Ադիգեն	1.407 (5,8 %)	22.222 (91,6 %)	23.629
Ասպինձա	2.780 (19,1 %)	11.660 (80,1 %)	14.440
Բորժոմ	3.816 (10,0 %)	29.518 (77,6 %)	33.334
Ախալցխա	23.644 (42,8 %)	25.688 (46,8 %)	49.332
Ախալքալաք	62.814 (91,3 %)	3.027 (4,4 %)	65.841
Նինոծմինդա (Բոգղանովկա)	34.697 (89,6 %)	451 (1,2 %)	35.148
Ընդամենը	129.158 (58,25 %)	92.566 (41,75 %)	221.724

Ինչպես տեսնում ենք, հայերի թիվն այս ընթացքում աճել է չնչին տոկոսով, եթե, առանց Բորժոմի շրջանի հաշվառման, 1989 թ. հայերի թիվը կազմում էր 124.327 կամ 63,2 %, ապա 1997 թ., արդեն Բորժոմի շրջանի հայերով հանդերձ, տարածաշրջանի հայ բնակչության թիվը կազմում էր ընդամենը 129.158 կամ 58,25 %՝ այն դեպքում, երբ այս ընթացքում վրացիների թիվը Բորժոմի շրջանի կցումով գրանցել է աճելի աճ՝ 59.351 (30,2 %)-ից դառնալով 92.566 կամ 41,75 %: Բոլորովին այլ պատկեր կուրվագծվի, եթե դիտենք 2002 թ. տվյալները (տե՛ս աղյուսակ 6):

Փաստենք՝ խորհրդային տարիներին Վրացական ԽՍՀ-ում ծնելիության ամենաբարձր գործակիցն ունեցել է Զավախքի տարածաշրջանը, որը շուրջ երկու անգամ բարձր է եղել երկրի մյուս շրջաններից: Երկրամասում բարձր ծնելիությամբ աչքի էր ընկնում հայ ազգաբնակչությունը, իսկ վրացիների մոտ բնական աճը շատ դանդաղ էր ընթանում: Այդուհանդերձ, ազգային և տնտեսական ոլորտներում առկա ոչ բարենպաստ պայմաններում արտագաղթի բարձր ցուցանիշները ծանրագույն ազդեցություն են ունեցել Զավախքի հայության ժողովրդագրության վրա, որոնց հետևանքով տասնամյակների ընթացքում Զավախքում գրեթե տեղի չի ունեցել ժողովրդագրական աճ, իսկ

¹⁷ Տե՛ս Грузия, Самцхе–Джавахетия и «тюркское кольцо» вокруг Армении, демография. – <https://regnum.ru/news/polit/202173.html> (տվյալները հրապարակել է Վրաստանի նախկին նախագահի՝ Սամցխե–Զավախքի լիազոր-խորհրդական Մ. Գաչեչիլաձեն)։

Հետխորհրդային տարիներին ջավախահայությունն ապրում է «ժողովրդագրական ճմեռ», և հայության թվաքանակն ունի նվազման միտումներ:

Աղյուսակ 6

*Ջավախքի բնակչության թվաքանակը և ազգային կազմը
2002 թ. դրությամբ¹⁸*

Նահանգը/ շրջանը	Ընդամենը	Վրացիներ	Հայեր	Ադրբեջանցիներ	Այլ
Ջավախք (Սամցխե–Ջավախք նահանգ և Ծալկայի շրջան)	228.486 (100 %)	92.505 (40,5 %)	124.831 (54,6 %)	2.051 (0,9 %)	8.736 (3,8 %)
1. Ադիգեն	20.752 (9,1 %)	19.860 (95,7 %)	698 (3,4 %)	17 (0,1 %)	169 (0,8 %)
2. Ախալցխա	46.134 (20,2 %)	28.473 (61,7 %)	16.879 (36,6 %)	13 (0 %)	645 (1,4 %)
3. Ասպինձա	13.010 (5,7 %)	10.671 (82 %)	2.273 (17,5 %)	0 (0 %)	60 (0,5 %)
4. Բորժոմ	32.422 (14,2 %)	27.301 (84,2 %)	3.124 (9,6 %)	24 (0,1 %)	1.930 (6 %)
5. Ախալքալաք	60.975 (26,7 %)	3.214 (5,3 %)	57.516 (94,3 %)	3 (0 %)	235 (0,4 %)
6. Նինոծմինդա (Բողղանովկա)	34.305 (15 %)	476 (1,4 %)	32.857 (95,8 %)	2 (0 %)	958 (2,8 %)
7. Ծալկա	20.888 (9,1 %)	2.510 (12 %)	11.484 (55 %)	1.992 (9,5 %)	4.739 (22,7 %)

Ինչպես տեսնում ենք, 1997 թ. հետ համեմատած, ամբողջ նահանգում եթե վրացիները կրճատվել են ընդամենը 2.571-ով, ապա հայերի մոտ տարբերության այդ թիվը հասնում է չուրջ 15.811-ը, որը, ըստ ուսումնասիրությունների, ունի էլ ավելի անելու միտում՝ հաշվի առնելով այն հանգամանքը՝ երկրամասից հայ բնակչության արտահոսքը գնալով հասնում է մեծ չափերի:

¹⁸ Ըստ Վրաստանում 2002 թ. անցկացված մարդահամարի պաշտոնական տվյալների. տե՛ս Մերիգեբիսա և Կոմախաշվիլի տանահայրության հարցումներում հայերի և ադրբեջանցիների միջև տարբերությունները, որը, ըստ ուսումնասիրությունների, ունի էլ ավելի անելու միտում՝ հաշվի առնելով այն հանգամանքը՝ երկրամասից հայ բնակչության արտահոսքը գնալով հասնում է մեծ չափերի: – https://smr.gov.ge/uploads/prev/_d769d8f4.pdf.

Աղյուսակ 7

*Ջավախքի բնակչության թվաքանակը և ազգային կազմը
2014 թ. դրությամբ¹⁹*

Նահանգը/ շրջանը	Ընդամենը	Վրա- ցիներ	Հայեր	Ադր- բեջան- ցիներ	Այլ
Ջավախք (Սամցխե– Ջավախք նահանգ և Ծալկայի շրջան)	179.353 (100 %)	86.268 (48,1 %)	88.397 (49,3 %)	1.319 (7,0 %)	3.367 (1,9 %)
1. ք. Ախալցխա ²⁰	17.903 (10 %)	12.836 (71,7 %)	4.780 (26,7 %)	*	286 (1,6 %)
2. Ախալցխա	20.992 (11,7 %)	13.603 (64,8 %)	7.242 (34,5 %)	*	147 (0,7 %)
3. Ադիգեն	16.462 (9,2 %)	15.985 (97,1 %)	379 (2,3 %)	*	99 (0,6 %)
4. Ասպինձա	10.372 (5,8 %)	8.961 (86,4 %)	1.379 (13,3 %)	*	31 (0,3 %)
5. Բորժոմ	25.214 (14,1 %)	21.987 (87,2 %)	2.168 (8,6 %)	*	1.059 (4,2 %)
6. Ախալքալաք	45.070 (25,1 %)	3.065 (6,8 %)	41.870 (92,9 %)	*	135 (0,3 %)
7. Նինոծմինդա (Բոգդանովկա)	24.491 (13,7 %)	1.029 (4,2 %)	23.266 (95,0 %)	*	196 (0,8 %)
8. Ծալկա	18.849 (10,5 %)	8.802 (46,7 %)	7.313 (38,8 %)	1.319 (7,0 %)	1.414 (7,5 %)

Վրաստանում անցկացված երկու (2002 և 2014 թթ.) պաշտոնական մարդահամարների տվյալների համաձայն՝ Ջավախքի 7 շրջանների ընդհանուր բնակչության թիվը նվազել է 49.133-ով (21,5 %-ով), Ջավախահայությունը՝ չուրջ 36.434-ով (29,2 %), չուրջ 2–3 անգամ ընկել է նաև ծնելիության գործակիցը: Արդյունքում, օրինակ, Ախալքալաքի շրջանի հայության թիվը

¹⁹ Տաթևադեղոս Տճատիճիճիս Երոճնճուլի Տամսաճուրի, Տաթևադեղոս 2014 ճլիս մոսաճլեոճիս Տաճոճլեոտաճ ձլճրիս միրիտաճի ճլեճլեճի, տճիլիսի, 2018: Վրաստանի՝ 2014 թ. ընճհանուր մարճահամարի տվյալների մեճ ղաճարճակ թվերիլ ներկայաճլաճ ճլ նալ աոանճին ղրճանների աճճարաճլիսկան պատկերը: Ըստ այճմ՝ աոանճին ղրճանների հայուլթյան ղաճարճակ թիվը հաճարկել ենք՝ հիմնվելիլ տոկոսային հարաբերակցուլթյան վրա: Ելնելիլ ղրանիճյ՝ աոանճին ղրճանների աճճային կաճմը ներկայաճնիլ կլորաճլաճ թվերի հանրաճուճարը կարիլ է փոքր-իճճ տարբեր-վել այճ յույն ղրճանների՝ Վրաստանի պետոսկան վիճակաճրոսկան մարմինների աճ-բոլճական թվերիճյ:

²⁰ Պաշտոնական աղբյուրիլմ Ախալցխա քաղաքը, իբրև նահանճային կենտրոն, ա-ռանճնաճլաճ է համանիլ ղրճանիճյ (տեճս Տաթևադեղոս Տճատիճիճիս Երոճնճուլի Տամսաճուրի, Տաթևադեղոս 2014 ճլիս մոսաճլեոճիս Տաճոճլեոտաճ ձլճրիս միրիտաճի ճլեճլեճի, տճիլիսի, 2018, 283–284, 299, 301):

նվազել է 15.646-ով կամ 27,2 %-ով 57.516-ից հասնելով 41.870-ի (1989 թ. ինքնուրույն պաշտոնական մարդահամարի տվյալներով 63.092 հայ), Նինոծմինդայինը՝ 9.591-ով կամ 29,2 %-ով 32.857-ից հասնելով 23.266-ի (1989 թ. տվյալներով 33.964 հայ): Նույն կերպ նվազել է Ախալցխայի երբեմնի հայաշատ չրջանի հայության թվաքանակը՝ 16.879-ից հասնելով 12.022-ի (նվազել է շուրջ 4.857-ով կամ 28,8 %-ով, 1989 թ. տվյալներով Ախալցխայի չրջանում ապրել է 23.469 հայ): Հայաբնակ և երբեմնի հունաբնակ Ծալկայի չրջանի հայության թիվը 11.484-ից դարձել է 7.313 (նվազել է շուրջ 4.171-ով կամ 36,3 %-ով, 1989 թ. տվյալներով Ծալկայի չրջանում ապրել է 12.671 հայ): Փաստենք նաև, որ հիմնականում Հունաստան ներգաղթած հույների բնակավայրերի վերաբնակեցման արդյունքում Ծալկայի չրջանում կտրուկ աճել է վրացական տարրի (սլավոններ, աջարներ և այլն) թիվը՝ 1.613-ից (1989 թ.) հասնելով 8.802-ի: Արդյունքում՝ եթե, օրինակ, Ծալկայի հայության տոկոսային հարաբերակցությունը չրջանում 2002 թ. եղել է 55 % (բնակչության թվի կեսից ավելին), ապա 2014 թ.՝ 38,8 %:

Նվազել է նաև Ջավախահայության տեսակարար կշիռը, և եթե 2002 թ. հայերը կազմում էին Սամցխե–Ջավախք նահանգի ու Ծալկայի չրջանի ընդհանուր ազգաբնակչության 54,6 %-ը, ապա վերջին (2014 թ.) ցուցանիշներով այն չի հասնում 50 %-ի սահմանագիծը (49,3 %):

Եզրակացություն

Այսպիսով կարելի է եզրակացնել, որ Ջավախքում 1950–1980-ական թվականներին հայ բնակչությունը չի ավելացել և, ընդհակառակը, ինչ-որ տեղ նվազել է, իսկ վրացիների թիվը՝ կտրուկ ավելացել: Առարկայական և ենթակայական մի շարք պատճառներով Ջավախքի հայ ազգաբնակչության թիվը շարունակում է նվազել նաև հետխորհրդային շրջանում:

Վահե Սարգսյան – պ. գ. թ., ՀՀ ԳԱԱ պատմության ինստիտուտի Սփյուռքի և հայ գաղթածների պատմության բաժնի գիտաշխատող: Գիտական հետաքրքրությունները՝ Վրաստանի հայության, մասնավորապես՝ Ջավախահայության հիմնախնդիրներ, Հայաստան–Վրաստան հարաբերություններում առկա բազմաբնույթ հիմնահարցեր, Վրաստանի տեղաբնիկ ժողովուրդների ու ազգային փոքրամասնությունների խնդիրներ: Հեղինակ է 1 մենագրության և ավելի քան 20 հոդվածի: ORCID:0009-0003-8437-5845; Vsargsyan83@gmail.com

ԳՐԱԿԱՆՈՒԹՅՈՒՆ

- Ավետյան Ռ. 2011, Իմ Ծալկան (Ծաղկան), Երևան, «Էդիթ Պրինտ», 466 էջ:
 Բոգդանովկայի շրջան: Տեղեկագիրք, 1992, կազմողներ՝ Կարախանյան Ս., Սնիսյան Ժ., Սեդրակյան Մ., Ղազարյան Մ. Եսոյան Մ., Վարդանյան Մ., Երանոսյան Ս., Բոգդանովկա, «Արշալույս» թերթի խմբագր., ՎՀ Բոգդանովկայի շրջանային տպարան, 102 էջ:
 Դավթյան Ա. 1997, Հայկական և հայախառն բնակավայրերը Վրաստանում, Երևան, ԵՊՀ հրատ., 432 էջ:
 Մելքոնյան Ա. 2003, Զավախքը 19-րդ դարում և 20-րդ դարի առաջին քառորդին, Երևան, «Ձանգակ- 97» հրատ., 544 էջ:

Սարգսյան Վ. 2016, Հայերը ԽՍՀՄ միութենական հանրապետություններում, Զավախք և հարակից տարածքներ. – Հայոց պատմություն, հ. IV, գիրք II [Սորա-գյուն ժամանակաշրջան (1945–1991 թթ.)], Երևան, «Զանգակ» հրատ., էջ 299–312:

Новикова Г. В., Дашко В. И. 2002, Самцхе–Джавахети: в эпицентре интересов, Российский институт стратегических исследований, Грузия: проблемы и перспективы развития, т. 2. М., РИСИ, с. 229–255.

Турки-месхетинцы: Интеграция. Репатриация. Эмиграция. 2007. СПб., «Алетейя», 456 с.

Грузия, Самцхе–Джавахетия и «тюркское кольцо» вокруг Армении, демография. – <https://regnum.ru/news/polit/202173.html>.

Մերიգեբისა და სამოქალაქო თანასწორობის საკითხებში საქართველოს სახელმწიფო მინისტრის აპარატი, დემოგრაფიული სტატისტიკა, მოსახლეობის 2002 წლის საყოველთაო აღწერის მონაცემები, საქართველოს მუდმივი მოსახლეობის განაწილება სქესისა და უპირატესი ეროვნებების მიხედვით. – https://smr.gov.ge/uploads/prev/___d769d8f4.pdf.

საქართველოს სტატისტიკის ეროვნული სამსახური, საქართველოს 2014 წლის მოსახლეობის საყოველთაო აღწერის ძირითადი შედეგები, თბილისი, 2018, გვ. 380.

Samtskhe–Javakheti: Realities and Perspectives. UNDP. 2004. Tbilisi, 143 p.

ИЗМЕНЕНИЯ ЧИСЛЕННОСТИ АРМЯНСКОГО НАСЕЛЕНИЯ ДЖАВАХКА В 1959–2014 ГГ.

(По официальным данным переписи населения)

ВАЭ САРКИСЯН

Резюме

Ключевые слова: Грузия, Джавахк, грузины, армяне, население, национальный состав, перепись населения, официальные данные, динамика.

Более половины живущих в Грузии армян проживают в Джавахке (по нынешнему административному делению: провинция Самцхе–Джавахк и Цалкский район провинции Квемо–Картли). Административно-территориальные перераспределения, происходившие в Советской Грузии после Второй мировой войны, а также большие и малые демографические перемещения, имевшие место в годы войны и впоследствии, оказали серьезное влияние как на административное деление, так и на демографическую картину южных регионов Грузинской ССР, густонаселенных армянами. На смену мусульманскому населению (туркам-месхетинцам), массово переселенным из упомянутых территорий, пришло грузинское (картвельское) население. Также произошло административное перераспределение территорий. В результате особой политики 1950–1980 гг. в районах Джавахка численность армянского населения не увеличилась, а, наоборот, где-то уменьшилась, тогда как численность грузин резко возросла. В постсоветс-

кие годы армяне Джавахка также переживают «демографическую зиму», и численность армян имеет тенденцию к сокращению.

Ваэ Саркисян – к. и. н., научный сотрудник отдела истории диаспоры и армянских колоний Института истории НАН РА. Научные интересы: проблемы армянства Грузии, в частности Джавахка, разные вопросы отношений Армения–Грузия, проблемы коренных народов и национальных меньшинств Грузии. Автор 1 монографии и более 20 статей. ORCID: 0009-0003-8437-5845; Vsargsyan83@gmail.com

DYNAMICS OF THE ARMENIAN POPULATION OF
JAVAKHK FROM 1959 TO 2014
(According to the Official Census Data)

VAHE SARGSYAN

Summary

Keywords: Georgia, Javakhk, Georgians, Armenians, population, national composition, census, official data, dynamics.

More than half of the Armenians living in Georgia inhabit in Javakhk (currently administratively divided into Samtskhe–Javakhk Province and Tsalka District of Kvemo Kartli Province). The administrative territorial redistributions, that took place in the Soviet Georgia after the Second World War, as well as large and small demographic shifts, that happened during the war and in after years, had a serious impact on both the administrative divisions and the demographic picture of the heavily Armenian-populated southern regions of the Georgian SSR. The Georgian (Cartvelian) element came to replace the Muslim element (Turk–Meskhetians) who were massively moved from the mentioned territories. There was also an administrative redistribution of territories. As a result of the special policy implemented from 1950 to 1980 in the regions of Javakhk, the number of the Armenian population did not increase but, on the contrary, it decreased, while the number of Georgians increased sharply. In the post-Soviet years, the Armenians of Javakhk also experienced a “demographic winter”, and the number of Armenians has decreasing tendencies.

Vahe Sargsyan – Candidate of Sciences in History, Researcher at the Department of the History of Diaspora and Armenian Colonies of the Institute of History of NAS RA. Scientific interests: the problems of the Armenians of Georgia, particularly of Javakhk; various issues on relations between Armenia and Georgia, issues of indigenous peoples and national minorities of Georgia. Author of 1 monograph and over 20 articles. ORCID:0009-0003-8437-5845; Vsargsyan83@gmail.com